

北洋官報

目錄

宮門抄

奏議○都察院代奏已故川督劉秉璋請予諡呈摺片七則
 參議○憲政編查館咨一件△學部咨一件△工藝局詳一件△吳橋縣稟一件
 文告四則△農輔六則△各省六則△譯電五則
 彙編○河南諮議局議決案
 已酉官報目錄

本局第一百三十一期法政學報已出

本日增刊己酉官報目錄一頁

現刻北洋同官錄各處履歷尙未來齊務望於二月內送交敝局以便三月初旬一律印刷
 本局謹啟

宮門抄

二月二十七日 法部·大理院 廂紅旗值日 度支部引 見四名 郵傳部引 見十六名 正黃

漢引 見五名 正白滿引 見十六名 提督衙門引 見十八名 睿王續假十日 克公假滿

請安 召見軍機 澤公 胡思敬遞封奏一件

奏議錄要

都察院代奏浙江京官陸軍部左丞朱彭壽等稱已故四川總督劉秉璋功德在民條列事實懇 恩予諡

呈

呈爲已故督臣功德在民謹條列事實援案仰祈 加恩予諡懇請代 奏事竊已故前四川總督劉秉璋受

先朝特達之知由編修發往江蘇從故大學士李鴻章淮軍屢立戰功攻克福山解常熟之圍進兵浙江克復

嘉興府城是爲浙江全省肅清之關鍵亦卽該故督有功於浙江之始是役也蒙 特旨賞給振勇巴圖魯以

侍講應升之缺開列在前迨粵寇旣平捻匪又起故大學士曾國藩奉 命督師奏請該故督襄辦軍務其後

李鴻章繼曾國藩剿捻該故督相從終始馳逐於淮徐楚豫齊魯之間大小數百戰論功爲最嗣 簡授江蘇

按察使山西江西布政使擢江西巡撫以母老請終養及丁憂服闋 簡授浙江巡撫其功德之最著者爲招

撫土匪黃金滿一事使地方積年隱患爲之綏靖甲申法越事起該故督綱繆防務不遺餘力法艦雖入浙江海口

而不敢前進此尤有功於大局者迨升任四川總督緣事落職光緒三十一年卒於家兩江總督周馥安徽巡撫誠

勳臚陳該故督功績懇請賜卹奉 上諭劉秉璋學問優長老成練達由翰林隨同前大學士曾國藩李鴻章

剿平髮捻各匪迭克名城戰功卓著任事勇直持躬廉介茲據臚陳戰功事蹟宿將凋零殊深惋惜加恩開復革職

處分照總督例賜卹宣付國史館立傳以示篤念勳臣至意欽此是該故督之戰功勳績久在 先朝洞鑒之

中故於飾終之典至優且渥伏念該故督以詞臣從李鴻章創辦淮軍正值蘇浙兩省同時糜爛之際蘇浙一日不

復則金陵之大功不能歲事而該故督首克嘉興其有關於東南全局者實非淺鮮至於甲申之役事關交涉該故

督獨能挫折敵艦建威銷萌至今兩浙士民每談及當年兵事莫不慨慕謳思感其德澤輿論所在歷久不忘且同

時立功諸將如程學啓吳長慶張樹聲周盛傳等或戰功相埒或出其麾下無不有易名之 恩寵似該故督

之威望勳業尤遠過之伏查光緒三十四年十二月初十日都察院據山東等省京官呈請爲已故前雲貴總督張亮基奏請 予諡宣統元年三月二十四日都察院據河南京官呈請爲已故河東河道總督許振禕奏請

予諡均奉 諭旨允准在案仰見 聖朝微勞必錄俯順輿情今該故督臣功德在民事同一律可否援案仰

懇 加恩予諡以彰忠盡之處出自 鴻慈逾格爲此伏乞代 奏謹呈宣統二年二月二十三日奉 旨

已錄

謹採輯已故四川總督劉秉璋事蹟條列清單恭請代呈 御覽 一故督於未成進士之前從軍皖南參贊前

江西巡撫張芾幕僚綢繆防守有裨戎機徽州府城之保全與有力焉是爲故督練習兵事之始 一同治元年李

鴻章創立淮軍駐兵上海奏調故督至軍疏云劉秉璋沈毅明決器識閎深與臣爲道義交深知其結實可靠去冬

督臣曾國藩一見大加器許謂爲皖北人才云云故督由是隨李鴻章運籌決策選將練兵以勤苦耐勞爲尙以撲

實勇敢爲先其後淮軍繼湘軍立功中原實故督輔佐李鴻章之力爲多 一同治二年洋將戈登會同銘鼎諸軍

攻福山所練常勝軍剽悍不馴未易撫馭故督調和其間用是得常勝軍之力遂克福山海城嗣常熟被圍急賊穴

地道日夜不息又用雲梯攻城故督約戈登以大砲攻賊壘賊中初遇西人火器大驚潰七八萬衆一夕解圍遁去

旋馳往太倉會師親冒矢石不避艱險累戰皆捷程學啓始得進攻蘇州無後顧憂皆故督之功也 一故督承李

鴻章之意別募一軍進圖浙西提兵六千轉戰而前以吳長慶王占魁況文榜聶桂榮等分統之大破賊於嘉善城

東嘉興平湖乍浦之賊來援者約四五萬分踞干窯西塘等處復奮擊大破之克楓涇西塘賊壘獲逆首僞宗王廖

某及羅天安施得柱敬天福汪敬之鏗天侯曹盛勇等擒斬數千進攻張涇匯賊以重兵扼守故督力戰砲子中脛

下血透重衣指麾將士意氣如常明日裹創復戰卒攻拔之援賊皆不戰而降嘉興賊酋廖發受出犯逆擊大破之

三年進攻吳涇橋東塔大捷直抵嘉興城下與程學啓率所部肉薄以登自東門入焚其火藥庫賊驚潰諸軍乘之

遂克嘉興府城斬僞榮王廖發受僞挺王劉得功進攻吳淞南潯等處追至湖州守賊棄城遁自是而江浙漸次肅

清皆故督克復嘉興一役爲之樞紐也 一故督從曾國藩剿捻創扼河而守之策圍賊於一隅使不得逞其後賊

撲渡河復創反守運河之策賊勢日蹙諸軍得以蕪功當賊窟豐沛間擾及宿遷之埠子嶺洋河集該督率吳長慶

王占魁等徑搗賊巢賊勢不敵且戰且走我軍由舊河隄內外分三路夾擊進至倉家集賊大潰別股由西北包抄我軍之後故督策勵將士屹立不動賊始遁去及進軍河南禹城寨以馬隊進擊大破任賴兩逆之衆擒斬無算任賴由豫東竄迨至商邱大敗之繼又破賊於湖北之德安截賊於安徽之宿松鏖賊於山東之肥城泰安沂州大小數百戰東捻以平故督實與李鴻章始終其事厥功最多 一浙江台州土匪黃金滿嘯聚海濱官兵追捕則竄入重洋深島中兵去復爲民害故督至浙示以德威遂萌悔罪畏禍之心投効自贖數十載之崔苻爲之一靖 一故督擢任四川總督撫戢游匪恩威並濟如萬縣之崔英河茂州之何三木匠川北之陳坤山秀山之姚復乾往往謀叛已成其鋒甚銳故督調兵遣將弭變無形大小涼山拉布浪各夷越界內犯故督檄馬邊雷波越窩屏山各營用趙營平屯田之策困之以甬道運餉刈其稊麥數月之間莫不俯首聽命

摺片摘要

學部會奏議覆豫撫奏道員曹福元辦學請獎事二月二十五日奉

旨依議

又奏議覆熱河都統奏中學畢業請獎事同日奉

旨依議

護鄂督楊文鼎奏各級審判廳將次成立請撥常年經費摺同日奉

硃批該部知道單併發

又奏飭施鶴道會廣鎔赴任片同日奉

硃批知道了

又奏試用道章達捐資助賑請准於原籍建坊片同日奉

硃批允行該部知道

又奏訓導金承樸等捐資助賑請准於原籍地方建坊片同日奉

硃批允行該部知道

又奏漢口等處飢民資遣紳董請獎摺同日奉

硃批萬昭度等均著傳旨嘉獎該部知道

公牘錄要

憲政編查館咨覆法部考試任用法官各事宜應遵章舉辦專案奏明通行各省文

爲咨覆事准貴部咨據廣西巡撫電稱查憲政編查館奏考試法官章程須由部奏請 簡派人員主試現在本省各審判廳奏明自三月起依次開辦所有法官若待試畢始行委用恐來不及可否仍照貴部頒發籌備事宜用人規條遴員派署咨明辦理等因本部再四籌商與其令各該省任用用人有礙始基何如使成立之期稍緩須臾

尙可收得人之效本部擬於審判廳現未成立各省無論曾否奏報有期一律令其於此次考試法官後再行成立仍以不誤本年期限爲準庶與定章定期兩不相背是否可行卽希酌核迅覆以便電覆該省並由本部奏明辦理等因前來查法官考試任用暫行章程既奉 欽定頒行則貴部前奏用人條規應行作廢自屬毫無疑義恭繹前奉 諭旨考用法官尤關重要務須破除陰情面振刷精神欽遵定章舉辦等因是貴部責成所在未便稍事通融該撫所請各節萬難照准來咨擬於審判廳未成立各省無論曾否奏報有期一律令其於此次考試法官後再行成立仍以不誤本年期限爲準誠爲扼要之論總之籌辦審判各廳與考試任用法官本係兩事屬於籌辦者不過經費建築及辦事章程諸大端儘可先期趕辦以經費建築之事責成各省迅速籌議辦法咨報貴部遵 旨會商度支部辦理其辦事章程關係綦重應由貴部於審判各廳未成立以前釐定通行俾便開庭時有所遵循亦免成立後自爲風氣至遴員派署一節係籌辦既畢開庭方始之事貴部既正籌畫考試事宜但先將施行細則規定京外卽可次第舉行不必同時辦理如各省有已籌辦就緒者卽由該督撫咨報貴部提前奏派人員前往會考其未籌辦就緒者亦應由貴部行文督催均須於考試後再行開庭既可收得人之效仍不誤成立之期斯爲正當辦法卽希貴部專案奏明通行各省遵照并先電覆該撫以慎始基而期畫一爲此合咨貴部查照辦理可也

學部咨憲政編查館酌訂教員管理員一覽表式文

爲咨呈事普通司案呈照得辦理學堂一在教科認真一在管理合法倫教員曠課過多成績必不能優美管理員職務廢弛規制不能整齊定章凡各學堂辦學人員如果成效昭著三年屆滿准照尋常勞績請獎五年屆滿准照異常勞績請獎待遇既厚考核自不得不詳現在京外各學堂教員管理員熱心任事者固不乏人而因循敷衍濫竽充數者亦往往不免茲由本部酌訂教員管理員一覽表式各一種通行京外應由各學堂照式刊印按格填寫其各員或由官長延聘或係札派或由地方公舉或係自任並告退離堂日期以及各表格所未備載之事均於備考一格內註明又如各學堂所聘外國教員是否遵照部頒合同辦法聘訂亦須附及倫事實較多表格不敷填寫可酌量變通將直行展寬減少行數不必定限每開六行此項一覽表自宣統二年爲始每學期由督學局或提學使司報部備案仍由本部視學官於視察學堂時考核所報是否相符倘各學堂未將此項表冊依期造報或雖

經報部而教員曠課過多管理員職務廢弛者將來請獎時概不給獎相應咨呈貴館查照可也須至咨者(式畧)

直隸工藝局詳光緒三十年三月至三十四年收支茶捐銀數文並批

爲詳報事竊照宣統元年八月二十九日奉 前憲台端札開據直隸財政局司道詳稱案查前奉 度支部札發調查光緒三十四年分各項收支存儲銀糧條款到局即經職局照式刷印分別申呈移行並聲明按照奏定清理財政辦事章程前項條款僅止撮舉綱要專爲職局調查之依據其各衙門局所應造詳細報告冊由職局另行妥擬式樣再行呈送查照辦理在案茲查順直款目繁多收支複雜且此有彼無難以一致如懸定冊式深恐不適於用現擬由各衙門局所即照職局前訂編造月報例言將光緒三十四年收支各款並存儲倉糧確數按照月報之式查造分項四柱詳細年報清冊一分其各衙門本官署出入經費亦照月報另造四柱年報專冊一分惟調查三十四年出入各款所以截清舊案並爲辦理宣統三年預算張本開列款項必須詳盡並將原案逐款聲敘明晰如有例銷與實收支不符者加具說明務使有蘊畢宣無覆不發不得因格於銷案更改收支實數其經營財政之衙門局所收發款項應將某月日收入某處某項銀若干某月日支發某處某項銀若干逐一分杆開列以便與解款領款之衙門局所送到分冊詳細對切勿籠統列一總數以致無從查核再此項年報奏定章程限宣統元年內送部各衙門局所應於九月底一律送局以憑覆核彙送免逾部限除分別申呈移行外理合具文詳請 憲台查核俯賜轉飭各衙門局所一體認真迅速遵辦實爲公便等情到本督部堂據此除批據詳已悉仰候通飭各衙門局所遵照辦理外合行札局遵照辦理等因奉此並准直隸清理財政局亦以前因移會前來當經職局轉飭遵辦業將學堂工場園所共十處送到收支經費清冊並職局常年經費收支茶捐及承轉各款分別造冊咨送財政局核辦在案惟查茶捐一款係由釐捐局代收解歸職局與辦諸務之用所有收支銀數雖經按月申報并隨案聲明請領有案而款目紛歧出入既非一時前後恐難一貫自應彙總造冊斷自光緒三十年三月起截至三十四年年底止俾與前送財政局冊報年限相符以後按年接續造報以昭核實而資參考據收支員繕具四柱清冊呈送前來職道等復核相符除飭以後仍按年造冊續報並咨財政局查

照外所有職局自光緒三十年三月起至三十四年年底止收支茶捐銀兩數目理合彙造清冊具文詳報 憲台
查核備案俯賜批示祇遵實爲公便爲此備由具詳伏乞 照詳施行須至詳者
督憲陳 批如詳備案册存此繳

吳橋縣呂令調元稟辦學出力官紳請獎文並批

敬稟者案蒙本府轉蒙提學使札以知縣熱心學務極力提倡殊堪嘉尚仰卽傳諭嘉獎縣視學馬錫蕃實力稽查
故學務日有進步仰傳飭傳諭嘉獎等因接奉之餘感愧交併竊惟興學爲治民之本新政必依限而行皆知縣職
分之所當爲亦兼資羣力以爲襄贊無勞可錄何敢仰邀獎勵之加惟查縣屬學堂係陳升令慶彬創辦於前其時
風氣未開城內設立高等小學堂一座城鄉初等小學五十餘處勸辦頗甚爲難而基礎已略具矣逮翼前令慶霖
苦心組織慘淡經營一年之間四鄉初等小學堂已增至一百九十二處學生三千七百七十餘名又籌設張家窪
孫公廟高等小學堂二處祇以年歲荒歉未克竟功而措置經營亦已備極躊躇屬開化之因實以翼令提倡之
力爲最知縣接任後不過因勢利導其已立者整飭其功課其未立者接續以擴張乃知縣謬蒙嘉獎陳前任亦旣
蒙 奏獎而翼令慶霖未免向隅似不足昭公道知縣繼續翼任實見其辦理之成績自愧不如斷不敢掠人之美
以爲美應如何另行從優獎勵之處出自 憲恩知縣不敢擅請縣學教諭馬錫蕃充當縣視學歷有年所查視學
堂無間寒暑每至一村必當衆演說查有教員教授不合學生講述不明者亦必登堂撮要講解以故教員各知奮
發不敢敷衍因循學務進步之速實惟馬視學之力而又辭去薪水甘盡義務洵爲難能而可貴也應請存記彙案
內獎俟學務公所出有優差另候錄用並請先 賞給五品獎札勸學總董四品封典劉祖旆鄉望最隆總任一縣
學務切實和平四鄉悅服勸學員五品銜文生陳際鴻熱心勸導勤奮耐勞該學區成績爲合屬之冠自開辦至今
五年之久該二紳均不支薪水並自貼車飯尤爲人所難能請將劉祖旆陳際鴻各先 賞給印花匾額一方並存
記彙案內獎勵學員文生陳鳳韶張廉清于捷三並稽查員文生劉祖楷襄理學務均極出力請各 賞給五品獎
札城內高等小學堂堂長五品銜馬鳳藻張家窪高等小學堂堂長廩生張式尊管理員四品銜張崇嶽勸學員文
生王榮綬張榮堂等均皆熱心辦理事事認真實屬有裨學界均請另札傳諭嘉獎仍俟學生畢業察核成績再行

詳請彙獎城內孫公祠初等小學教員七品頂戴李晉元教育最善爲一縣之冠擬改爲模範小學堂今年學生添至七十名之多該教員講解詳明頗合單級教授法請先賞給五品獎札其餘雖多可獎之員惟虛名數稍多跡近冒濫應由知縣分別嘉獎以資鼓舞是否有當理合稟請大帥查核俯賜照准給獎以示鼓勵肅此具稟恭請勅安伏乞垂鑒

督憲陳 批據稟已悉仰提學司核擬詳辦繳

文告錄要

學部批示○湖北文普通中學龐觀泉山西太原府中學宋啓秀四川叙屬公立中學王孝恕四川客籍學堂黃家恕呈請投考優級師範學堂由批據稟已悉該生等在各該學堂畢業均屬有案可稽所請投考優級師範學堂之處應即照准仰候示期補試可也此批

督憲牌示○爲牌示事照得新授天津道謝道崇基現已來津應即飭赴新任以專責成除附奏並分行外合行牌示爲此牌仰即遵照特示

藩台牌示○此次孝廉方正昌黎縣公舉萬錫慶 平泉州公舉方耀浙 豐潤縣增生張浩源 獻縣增生王培

基 獻縣附生張郁文 肅寧縣歲貢馬功懋 東光縣增生馬樾樹 臨榆縣附貢張清潤 定於二月二十

六日當堂考驗特示

藩台批示○爲宣示事照得此次選舉資政院納稅多額議員業經本司核定納稅較多之富紳楊紳希曾等二十人爲互選人宣示在案茲據天津商務總會稟稱以據互選人寶紳榮光高紳振鏞華紳松年黃紳寶賢等四名或因事故或因疾病先後辭退互選查有李紳士鈺納稅已在多數祇以投送調查紙在互選人已定之後故未列選此次自應補入以免向隅又王紳觀保李紳全義周紳彤輝均在比較次多之列特商明管理員請將李紳士鈺等四名補充互選人俾足二十人之數呈請核定宣示前來據此本司覆查資政院定章每省應有互選人二十名茲既據寶紳榮光等辭退互選該商會會商管理員深恐人數太少擬請以李紳士鈺等四名補充互選人俾足二十人之數自係爲慎重憲政起見考之定章亦無不合應准照辦除批示外合亟宣示爲此示仰後開

諸富紳卽便知照務於三月初一日前往天津商務總會聽候木司到場監督舉行互選幸勿延誤特示 計開
李士鈺(天津縣人)納稅總額銀十三萬八千四百十三兩津錢六百吊文洋五百八十二元 王觀保(天津
縣人)納稅總額銀二萬四百八十八兩 李全義(冀州人)納稅總額銀二萬十五兩 周彤輝(天津縣
人)納稅總額銀二萬兩

畿輔近事

彙錄憲政編查館要電○憲政編查館接蘇撫電云城鎮鄉自治章程第一百零七條地方官行文董事會用諭選
舉章程第六十一條總董由督撫加劄查劄不標硃督撫用劄地方官轉得用諭體制似未洽若用尋常札文設
總董有京秩較崇者應如何辦理祈示遵當卽電覆云文電悉用諭係章程所規定卽如京部堂官對於司官均
用堂諭者並非卑視惟仍應照例體概不標硃以示區別此項章程條文與府廳州縣自治章程歧異之處業經
奏准由民政部另案更正屆時應由該部酌量情形奏明辦理此時未便遽改除咨民政部外此覆又接黔撫電
云貴州諮議局議長樂嘉藻請假四月往各省調查諮議局規章章程議長請假未有明文應否允准如准假
所有議長職務應否以副議長代理敬候鈞示當卽電覆云號電悉議長應准請假卽照局章第十一條由副議
長代理此覆又接桂撫電云學堂畢業學部原定分數滿四十分爲中等四十分至二十分爲下等二十分以下
爲最下等鈞館通行咨覆湖廣總督改定法政學堂章程文內有來咨定分以不滿五十分爲最下等似又懸格
過高與學部考試定章不符之語自係指學部原定章程而言惟現在學部改定分數新章凡畢業考試以不滿
六十分者爲下等不滿五十分者爲最下等現在桂省法政學堂已屆畢業紳班計分之法悉遵學部新章官班
計分之法自應遵鈞館章程可否仍以四十分至二十分爲四等二十分以下爲不列等抑應與紳班一體照學
部新章計分等之處伏候核示當卽電覆云效電悉本館前覆鄂督改定法政學堂章程係在部章未改以前
現在學部改定分數新章業經通行該省法政學堂官班紳班可一律照部定新章計分其考列一二三等者照
最優等優等中等給憑其不滿六十分者爲四等與下等同不滿五十分者爲不列等與最下等同均不給憑四
等者官班應照本館上年八月通行章程分別留學一年半年再行考試其不列等與留學考試仍不合格者應

照章分別開缺降補及勒令回籍各條辦理此覆

官場紀要○督憲於前日午後出轅赴北洋法政學堂參觀一切○候補知府李太守映庚奉委憲政研究員阮太

守忠極奉委賑撫局總事科科长候補知州惲刺史藩會奉委工巡捐局總收支均於前日赴院謝委

咨請保護織紡工廠○督憲於二月十七日准農工商部咨開本部奏定公司註冊章程內載凡商人經營貿易

無論何項公司一經註冊即可享一體保護之利益等語茲查有直隸缺豐織紡工廠遵章到部呈請註冊業經

本部核准註冊給照在案相應開列名號咨行貴督飭屬妥爲保護可也等因已札屬查照保護矣計抄單

直隸缺豐織紡工廠 總廠設立南邊吳村分號設立高陽縣城內 宣統元年九月初十日註冊資本洋銀一

萬元 總經理人李銘勳住安州

諮議局收受陳請建議書式○順直諮議局收受陳請建議書式係用白紙寬五寸長八寸裁訂成本字要楷寫每

半頁八行其書面左旁標明陳請或建議字樣由具書人酌量所陳事件如係據實指陳則署曰某事陳請書如

自抒己見有所條議則署曰某事建議書內亦同書面右旁則分註姓名籍貫職業官階年歲中列介紹議員

姓名均蓋圖章其末幅年月日下宜再署名但無論陳請或建議均以有關公益者爲限不得涉及個人私事(

書式因不便登報故從略)茲又將該局議事細則第九章陳請建議條文摘錄如下 第一百二十四條 陳

請建議者須具書署名蓋章並註明籍貫職業官階及年歲若不能自署名託他人代署者代署人當附記緣由

署名蓋章違者概不受理 第一百二十五條 法人之陳請建議代表者署名蓋法人印章 第一百二十六

條 陳請建議須有議員爲介紹介紹之議員當於書面署名蓋章 第一百二十七條 陳請建議有數人同

具一書者當將姓名連署之由首列者蓋章

議決電車公司改修軌道事○天津縣議事會申津海關道文云竊於本月十二日奉 憲委周委廉來會面論電

車公司在城東南隅改修電道未曾稟明批准該公司業知違章情甘認罰惟該處改修之綫是否與行人有礙

奉 督憲札飭議事會核議等因遵此當即面告董事會派員會同周委廉前往調查以便核議據覆稱查看南

馬路電車路綫日界內軌道均已鋪平惟南馬路鐵軌業經鋪齊軌內之道尙未壓平電車已按新改之路綫通

行來往洋車尙無滯礙處是於路政無妨等語嗣經會議僉謂既與路政無妨是可照准惟該處終屬要衝路綫改直車行必速應令該公司多派執旗之人方免有傷殘行人之處至未曾稟明批准遽行遷改實係違背章程必須從重議罰方昭儆戒以重主權理合備文申請憲台查照施行實爲公便

紀北洋學界海軍捐會○學界海軍捐會前於十七日在天津東馬路宣講所開會當場認特別捐者刻已將捐款交齊因將認捐諸君姓名及所捐銀洋數目開列於後 倪道杰洋十元 王文鈞洋五元 馮夢韓洋五元 孫濯甫洋五元 李柱臣洋五元 王子成洋一元 王子春洋一元 何紀銘洋一元 趙勤生洋一元 陸萬如洋一元 袁東榘洋一元 趙蔭軒洋一元 沈勉之洋一元 全延甫洋五元 董心疇洋一元 朱敬言洋一元 李煥卿洋一元 王安平洋五毛 呂祖培洋五毛 趙相之洋一元 李冠卿洋五毛 沈蔭農洋一元 蔡其和洋一元 蘭峻峰洋五毛 翟承脩洋五毛 胡憲洋一元 錢俊洋二毛 孫寶信銅子六枚 總計銀洋四十九元七角銅子六枚現存天津銀行生息

各省近事

派充疆理科差遣委員○前充奉天諮議局籌辦處文案委員方君永慎供差謹練現因該局改爲自治籌辦處公事簡少經民政司張司使派爲司內疆理科差遣委員

呈送地理圖說並軍用物產表○日前軍諮處咨取奉省地理圖表以備參考經公署飭民政司轉飭各屬均已陸續將所屬地理圖說並軍用物產表呈送民政司公所以便彙呈

(以上錄東三省日報)

元甯鄉鎮將辦印花稅○江甯元甯兩縣前以奉上憲催辦印花稅當即札飭鄉鎮總董秦龔二人擬議籌辦章程茲據稟陳試辦方法四條特轉詳督藩兩憲核示一俟批准元甯兩鄉卽由該總董經理實行開辦矣

釐金改革之效果○江督張制軍去年蒞任後以甯省釐金弊混爲各省之冠飭由司道詳議改革批令自十月起試辦三個月優加薪費如能於額比外收數加增准其提給四成津貼等因茲核冬季三個月各卡捐數大旺其盈收共有十數萬串之多倘能常年如此則增收四五十萬皆在意中牙釐總局總辦日前詳請督院以後各局卡是否卽照新章辦理抑或加訂比較統希示核飭遵

簡易識字夜塾發達○蘇垣衛道觀前天福庵半日學堂內現經陸君雨菴胡君玉笙顧君子怡等發起組織簡易識字夜塾定額六十名專爲年長不識字者而設已於初一日開辦分任教授之法所有課本均係自行編輯大約先教實字次及虛字暨日用習慣各字編成詞句並授普通算法當經陸君等悉心教導日來赴塾聽講者幾逾原額加倍甚形發達
(以上錄申報)

請裁刷印局經費○湖北諮議局現查官紙刷印局開辦之初築廠購器支撥經費甚鉅現在廠房已成機器亦備且經督部通飭各州縣一切官用紙張以及私家所用文憑契約均須由該局製備專賣果能辦理適宜必有鉅利可獲自應勿庸撥助常年經費爰呈請督部將所撥該局常年款銀二萬四千元移作興學之用以免虛糜

(錄上海新聞報)

譯電錄要

教皇與美前總統之交際○路透電云義京天主教皇不允接見美前總統盧斯福氏聞盧氏與教員晤會時教員謂盧氏如能謹守教皇章程不與他人接洽教皇甚願接見美前副總統斐爾班克氏在羅馬時因與義京某教會學堂通函未蒙教皇接見盧氏答稱伊不能因此事限制自由之權

愛爾蘭黨員演說○路透電云愛爾蘭黨首領理德曼氏在提伯拉里地方演說對於愛爾蘭各項政策

德國汽球家失事○柏林電云德國汽球家四人在司泰丁地方乘坐汽球升起當在空中遊行時陡遇颶風吹至魯根島汽球毀壞跌斃三人內有岱布魯克氏爲德議院議員兼希林道夫地方水利總會總理

英皇定期遊歷巴黎○柏林電云英皇定於下禮拜赴德京與德政府會議巴洛堪半島并波斯國交涉問題

英法德美四國會議○柏林電云美政府現在與英德法三國會議里波利亞國(非洲西岸)共和之政策

德國飛艇定期航行○倫敦電云德國飛艇家組織飛艇航路定於西五月十五號由曼尼士地方開往司達恩伯克并歐伯蘭米谷兩處以便行旅

河南請局詳沙案

一 串票 串票價值各處習慣不同少者數文多或至四五十文查近來省城官印串票每張工價不過二文嗣後應請除領票工價外一律留作本地興辦學務之用 以上各款應請 撫部院札飭各屬切實照辦倘仍有所列各種情弊准由地方公益團體查取確據呈交諮議局轉報 撫部院從嚴參辦

一 議決補救銅元流弊案 近來銀價日昂商民交困實由於銅元充斥之故推其原因以制錢缺乏各省鼓鑄銅元以補制錢不足立法未始不善但各省鼓鑄之數既無一定以致少鑄者吃虧多鑄者獲利外省所鑄銅幣既遠浮於本省本省又未豫爲防杜故外省奸商購我土貨動輒大宗輸入此外省銅元充斥之所由來也前由藩台臬台出示嚴禁外省銅元入境以保本省權利誠爲深謀至慮奈附鄰邊省各州縣如信陽羅山新蔡永城夏邑虞城並光州五處共十一州縣外省銅元早充斥於未經出示之先已成難遏之勢實不得不通用外元以資活動而完納丁糧稅契鹽課釐金仍概用制錢當外元初行之時制錢不過價值日高尙可敷各項所用久之良幣爲劣幣所排所餘制錢多錯砂鵝眼本元又絕不一見以致制錢拾價至一千三百五六十文或一千四百文不等甚至就價採買容有不給之時每逢完納丁漕稅務等項民間異常窘急禁外用外元既勢有不能若不將本元設法運往各屬行使何以蘇民困而保利權擬請 撫部院飭由 藩司查明距省較遠交通不便之各州縣或設官銀錢分號轉運本省銅元或鈔票聊資挹注如用鈔票或本元准其完納丁漕稅契鹽課釐金概不折扣外元仍折價行使自可漸抵外界來源庶流弊可除利權永保矣

一 議決清理潞鹽加價局浮收案 潞鹽行銷河南以陝州會鎮爲過渡處該鎮設加價局每鹽一觔抽錢十三文茲將該局浮收各節列左 (甲) 潞鹽一裝應抽加價錢一千六百餘文該局凡遇兩三裝鹽出會鎮寨門者俱不填寫大票多改寫小條約數十觔一小條名曰零鹽當冬春鹽車多時每日改填小票不下二三十裝以每年平均計之約萬串之譜不知如何報解查潞鹽按觔抽錢逢卡查驗無論大票小條於商民無絲毫捐益而於本省解款 度支部解款鐵路公司解款則有絕大關係應請 藩司出示嗣後除貧民攜帶食鹽不滿十觔向不收加價外其十觔以上者一律填寫大票永不准再有小條以絕司事人役影射之弊 (乙) 該局向有定章書明偷漏倍罰等詞但每遇此等情事常有因一兩裝鹽漏報而罰銀至百兩二百兩不等者或將該商全挪

車馬扣留送官日久而車馬俱歸烏有者或至釀出命案經年不結者查潞鹽本民運民銷各小販以法網嚴密不敢直接往會鎮購鹽而大販運至中途藉以居奇民食因之昂貴鹽務因之滯銷應請 藩司申明定章以便遵辦 (丙)該局平均計算每日約抽錢一千六七百串文不等其實當冬春最旺時每日或且收至萬串俱非制錢不用故河南銅元至今不能暢行陝州錢價太昂民間一切日用無不受其影響查銅元本取流通便利若有滯行之處必有充斥之處情節雖異病民則同似應申明定章本省銅元一枚可抵制錢十文加價局不得格外勒索 (丁)該局因每日收錢太多商販苦於無錢照該局定價繳銀惟向來各錢行用之錢每千錢短四文名曰短底錢該局令商販繳銀時仍將短底錢補出又須照式繳作解省之寶是火耗亦出自商販矣聞該局每年收銀四十餘萬兩收補底錢亦有二三千串文不等似應查明此項補底錢是否解上如未解上似應免收以蘇商困

一擬將汝光十四屬鹽引易准爲蘆呈請代 奏案 竊爲鹽務爲國課歲入大宗人民命脉維繫本應隨時整頓力圖萬全矧當百度維新尤宜不主故常釐剔積弊以副裕國便民之宗旨查汝光十四屬向食淮北引鹽實因淮水舟運能通故支配傍淮各州縣於淮北引岸意美法良民生攸賴無如積久弊生輪章一變爲小號督銷又變爲官行高估低樣任若輩上下其手以關卡林立易錢爲銀抑勒平色價目種種弊端不堪枚舉現時豫岸銷售准鹽每斤漲至百文信羅二屬則漲至百二十文較十年前加增兩倍貧民淡食者多業經豫商披瀝控訴在案然欲剔弊而弊源不在本省帶固根深何日始能剔去縱使能剔而引地不變終非因時制宜之善策蓋往日利運在水道今日利運在火車是淮鹽與蘆鹽運道之遲速難易不待智者而知之也蘆鹽雖畫有定地而火車便利早已浸灌汝光各屬遍地運斤每斤之價較淮鹽相去半數人貪其價之廉又善其味之美羣相購食其偏僻之處又有囤戶奸販得此利源聞風踵至雖各屬設卡緝私防範斷難周密以故淮鹽引促不能暢銷而又不肯嚴別各種積弊奸民得以牟利而良民獨受偏枯鹽法不良莫此爲甚爲今之計與其因仍一任蘆販侵輸不如改隸長蘆於信陽設一轉運總局再於光州設一分局仿歸德隸食東鹽之例因民之利而利之庶於國計民生兩有裨益前該屬商民已曾將改引便宜五條呈請 度支部久未奉奏議員等爲事關重大利害懸殊急思

初八日

督憲陳據礦政調查局詳宣懷密戶抗捐一案擬飭張都司留駐地方協緝札宣化鎮口北道轉飭遵辦文
北洋大學堂學生水崇遜等稟學界籌助海軍經費請立案文

初九日

督憲陳札飭各屬籌辦憲政第一二年應辦事宜安速進行並辦就成績詳報以備奏咨文
藩司詳省城學堂續定章程規則文
學司詳天津縣紳商捐助學款請獎文
臬司禁煙局詳核覆霸州擬立拒賭禁煙會礙難照准文

衡水縣金令樹棠稟到任後整頓新政情形文
江西諮議局呈報撫院議決煙害案辦法文

初十日

督憲陳准郵傳部咨查辦唐山地陷各情札飭津海關道移行遵照文
補用通判胡長年稟裁汰冗員請仿用徐士林成法文
鉅鹿縣葛令龍三稟開常時會議決事件文
遷安縣孔令繁濬詳東密場兩等小學堂開演運動會日期文

督憲陳准憲政編查館咨各省調查教民戶口田產等事無庸照會教堂司鐸以免疑誤札飭司道轉飭遵照文

工藝總局詳第四次縱覽會用款文

香河縣王令繼武稟獨立莊等村災歉頻仍請撥款疏河築隄以工代賑文

十二日

直隸禁煙總局詳覆遵飭核明隆平縣請獎捐助戒煙經費各紳董文

天津縣議事會移董事會變賣廟產一案不合章程請查明見覆文

十三日

督憲陳札覆諮議局議決全省開辦礦務准與通知一案文

又札覆諮議局議決改良府廳州縣統計處辦法文

又札覆陳請本省諮議局對於順天行政權限應如何辦理以謀統一一案文

學台准藩台咨查候補差委入學肄業各項人員札飭各屬中學師範學堂遵照呈報文

天津縣董事會移覆議事會三元菴廟地完案情形文
十四日

督憲陳札覆諮議局陳請移建大興宛平兩縣縣治一案文

又札覆諮議局申覆諮詢整頓巡警一案文

又札覆諮議局議決改良警務一案文

永定河道詳遵札查沿河州縣八九兩月劫案起數文

威縣邱令廷榮稟開辦教練所日期暨添派總董文

督憲陳據學司詳高等學堂第二類新班學生兼習德

語事咨請學部備案文

滄州萬牧和寅詳設立第一女小學堂文

葉城縣陳令汝賢詳巡警教練所學生六月期滿遵章

分發各區文

獻縣和令紳布稟開辦觀摩會大著成效文

肅寧縣李令士田稟本局報告試驗種桑成績文

督憲陳據學司稟天津各級審判廳最優等人員出具

切實考語分別獎勵札飭藩司查照文

順直諮議局呈爲前護院札覆本局各項議案未合定

章請督憲收回成命文

早城縣洪令世端稟添招巡兵開辦教練所情形文

棗強縣李令盛鑾詳辦理均差以充學費文

督憲陳據啓新洋灰公司稟擬在安徽江蘇兩省擴充

洋灰公司咨請蘇皖各大府立案文

順直諮議局呈請督憲本局申覆清理差徭案第十四

五兩條另繕送局各節不可刪去文

運司詳覆獨石口廳稟督銷局違章擾民委查明確請

嚴札該廳懲辦文

天津縣議事會稟督憲請飭司核准簡字學塾經費文

各屬遵照文

又據啓新洋灰公司稟在山東嶧縣台莊地方設立分

廠咨請魯撫立案文

又據天津商會稟請豁免國債會員所需輪船火車費

咨請郵傳部核覆文

大城縣沈令裕崑詳籌款創設自治研究所文

督憲陳據學司稟天津各級審判廳最優等人員出具

切實考語分別獎勵札飭藩司查照文

順直諮議局呈爲前護院札覆本局各項議案未合定

章請督憲收回成命文

早城縣洪令世端稟添招巡兵開辦教練所情形文

棗強縣李令盛鑾詳辦理均差以充學費文

督憲陳據啓新洋灰公司稟擬在安徽江蘇兩省擴充

洋灰公司咨請蘇皖各大府立案文

順直諮議局呈請督憲本局申覆清理差徭案第十四

五兩條另繕送局各節不可刪去文

運司詳覆獨石口廳稟督銷局違章擾民委查明確請

嚴札該廳懲辦文

天津縣議事會稟督憲請飭司核准簡字學塾經費文

督憲陳據北洋師範學堂詳請飭各屬選送學生札飭

磁州礦局稟籌辦情形請撥官款提倡文

滄州萬牧和寅稟添設小學及改良私塾文

督憲陳據北洋師範學堂詳請飭各屬選送學生札飭

十七日

天津商務印書館廣告

歲逢庚戌萬象更新本館特製月份牌一種文雅富麗兼擅其勝專備
購書

諸君贈品以助雅興凡購本館書籍圖畫
滿現洋二元者謹贈月

份牌 一張滿四元者二張 餘可類推 不滿二元者不贈訂定正月初十日贈起

至三月初十日止 如期內業已送完則當改贈他書臨時再行佈告

贈書目提要

本館創辦十餘年編譯書籍將及千種茲特印成書目提要一册欲閱者請向本館索取遠地函索即當寄奉附 郵票購書 章程 凡值信局郵局不能匯兌款

項之處其書價及寄費可用郵票為代辦法如下(甲)郵票以一角二角者為限如有零數可將一二分者合足三角以上之郵票不收(乙)郵票抵實洋以九五折計算如寄郵票一元僅能購書九角五分(丙)郵票有污損及不能揭開者不收(丁)寄費照書價加一成(戊)寄費至少須五分

商務印書館啟

天津分館開設河北大胡同 電話五百二十六號

新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋窯等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北京奉天大連煙台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

利 亨

本行開設天津上海香港志呢華海參歲等處均設立有年諸班貨物由外洋本機器廠自造鑲鑽石戒指耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也 本行主人啟

瑞林祥元記 綢緞洋貨莊

本行開設北京前門外鮮魚口天津估衣街中間路北山東濟南府院西路北自置綢緞紗羅縐縐縐縐洋貨布疋各色喇哩厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸 瑞林祥元記具

嶧縣中興煤礦有限公司添招新股廣告

敬啟者本公司前蒙農工商部奏派承參上行走前長蘆運台周到嶧調查商籌擴充辦法預算五年內路礦出煤噸數並議招新股漕平足銀二百二十萬兩具文呈復旋蒙農工商部札飭本公司邀集舊股東設法集款於預算年限內每日出煤二千噸之數各等因奉此本公司現已遵札將添招新股章程改善呈部奉准立案茲將部札原呈及添招新股章程登告以供公覽其擴充辦法及出煤獲利取息分紅各節均詳周都轉原呈並招股章程毋庸贅述如有遠近官紳商庶願附本公司礦股者自一股至數十百股均可隨時向義善源慶善銀號洋灰公司河北周公祠後院南鄭宅等處商附兌款後先給收銀憑單隨即函告濟南總理處填寫股票摺寄回轉交附股人收執為憑以收足原議之數為截止之期幸勿觀望自失利益特此敬佈

北洋灤州官鑛公司開收第二期股本廣告

啓者本公司原招股本係分兩期核收分填天字地字兩項股票茲特定期將地字股本收足自本年正月十五日起望持天字股票爲憑以便驗票收款天津本埠以三個月爲限交法界五號路十四號門牌本公司總理處其外埠較遠以五個月爲限仍交各處天津分銀號均先發執照一個月後換取地字股票如逾限不交當查照本公司招股章程第七十條辦理合先登明此啓

京師自來水公司照章付息廣告

啓者本公司現照章於三月初一日起發給第二次股息屆期務請 股東持息單前往各原交股款之天津銀號 取其在本公司及他處入股者均可到北京天津銀號照付惟此埠股東或願改赴他埠取息須預先一個月照原埠掛號聲明以便知會所指之處屆期照付免致不能接洽是幸

啟新洋灰有限公司分派第二期紅利廣告

啓者本公司應派上年年息紅利定於三月初一日起憑息單發給並分送帳畧其磚股係第一期照章自收銀之次日起接八釐算給官利不分紅利務祈在股 諸君屆期到海大道本公司總理處領取如南省股東亦可將息單交上海天津分銀號承接寄津代取不計匯費惟津滬往返函寄約需一月屆時望持該號收條領取息單可也

督署兩等小學續招學生廣告

地址 督署後天緯路北學級 本校分高等初等兩級 資格高等以能作短文爲合格初等識字與不識字均可課程 遵章報名自二月初一日起至二月三十日截止本堂在庶務處 考期 三月初一日早八點鐘 考高等學生下午兩點鐘考初等學生 學費 不收

啟新洋灰有限公司擴充新機續招股本廣告

啟者本公司現經第三次股東會決議仍在唐山新廠擴充新機計需成本行本洋一百十萬元儘原股東認附一半其餘一半呈請 郵商兩部酌附官

股並請商辦各鐵路公司 為認附仍按每股龍銀五十元分三期收清第一期二十元本年二月十六日起六月底截限第二期十五元七月至年底截限第三期十五元次年正月至六月底截限照章自交款之次日起息本屆在會股東已各認定股數極為踴躍如有原股東暨各路公司願附此項新股者請將認定股數 示知註冊每期交款均給憑單為據另刊有招股簡章並附預算清單可以隨時寄閱如能 惠臨海大道本公司面談更易接給此布

京奉鐵路局緊要廣告

本局向來每星期往來京奉直達通車現定於二月二十五日即西歷

四月四號禮拜一日為始更換新車添掛頭二等睡車飯車仍照向章每逢星期日上午八點五十分由瀋陽開赴北京星期一日下午七點二十五分由北京開赴瀋陽頭等票價照尋常加通車費洋二元如欲乘睡車者加睡車費洋五元二等票照尋常加通車費洋一元如欲乘睡車者加睡車費洋二元五角無論遠近一律照收均不售三等票其頭等睡車並備有被褥枕毯等件二等睡則歸搭客自備凡搭客欲乘坐通車者均須預先知照本局事務處派定號次以免臨時擁擠搭客行李另有車輛裝載其零星手提物件准其帶入睡車惟不得侵佔旁人座位現奉 郵傳部鐵路總局諭此項車輛原為利便行旅起見睡車牀位有限應仿照京漢路局辦法無論何人一概不准持免票登車即本局局長總辦以及各處華洋員司遇有公事乘坐通車亦須自行購票私事更不必論以示限制而昭公允等因除遵照外合亟廣告俾眾週知